



2020 йил 22.10.2020

№ 2389ч

Богот шаҳарчаси

Хоразм вилояти ҳокимининг 2020 йил 26 октябрдаги “Ўзбекистон Республикаси Президентининг 2020 йил 27 сентябрдаги “Ўз аҳамиятини йўқотган қонунчилик ҳужжатларини қайта кўриб чиқиш тизимини жорий этиш орқали мамлакатда ишбилармонлик муҳитини яхшилаш чора-тадбирлари тўғрисида”ги ПФ-6075-сонли Фармони ҳақида”ги 389қ-сонли қарорининг ижроси ҳақида

Ўзбекистон Республикаси Президентининг 2020 йил 27 сентябрдаги ПФ-6075-сонли Фармонининг ҳамда Хоразм вилояти ҳокимининг 2020 йил 389қ-сонли қарорининг ижросини таъминлаш мақсадида

ҚАРОР ҚИЛАМАН:

1. Ўзбекистон Республикаси Президентининг 2020 йил 27 сентябрдаги “Ўз аҳамиятини йўқотган қонунчилик ҳужжатларини қайта кўриб чиқиш тизимини жорий этиш орқали мамлакатда ишбилармонлик муҳитини яхшилаш чора-тадбирлари тўғрисида”ги ПФ-6075-сонли Фармони ва бу юзадан 2020 йил 26 октябрдаги 389қ-сонли раҳбарлик ва ижро учун қабул қилинсин.

2. Ўзбекистон Республикаси Президентининг мазкур Фармони билан:

Ўзбекистон Республикаси Президентининг 1 ва 2-иловаларига мувофиқ эскирган ва ўз аҳамиятини йўқотган ҳужжатлари ўз кучини йўқотган деб ҳисоблансин ҳамда айрим ҳужжатларига ўзгартириш ва қўшимчалар киритилганлиги;

норматив-ҳуқуқий ҳужжатлар лойиҳаларининг тартибга солиш таъсирини баҳолаш лойиҳани ишлаб чиққан идора ва ташкилотлар томонидан норматив-ҳуқуқий ҳужжатлар лойиҳалари муҳокамаси портали (regulation.gov.uz)да фойдаланган ҳолда амалга оширилиши;

амалдаги норматив-ҳуқуқий ҳужжатларнинг тартибга солиш баҳолаш ҳуқуқни мониторинг бўйича электрон майдончадан фойдаланган ҳолда амалга оширилиши;

маҳаллий давлат ҳокимияти органлари қарорларининг тартибга солиш таъсирини баҳолаш “Е-қарор” ягона электрон тизимидан фойдаланган ҳолда амалга оширилиши маълумот ва ижро учун қабул қилинсин.

3. Туман адлия бўлими (Я.Болтаев), туман ҳокимлиги билан биргаликда 2021 йил 1 июнга қадар маҳаллий давлат ҳокимияти органларининг норматив-ҳуқуқий ҳужжатларини, эскирган ва ўз аҳамиятини йўқотган ҳужжатларни бекор қилиш бўйича ташаббус кўрсатган ҳолда

тизимлаштириш ва уларни Ўзбекистан Республикаси Қонун ҳужжатлари маълумотлари миллий базасига киритиш, норматив-ҳуқуқий ҳужжатларни базага автоматик тарзда жойлаштириш механизмини жорий этиш ишлари амалга оширилишини ташкил қилсин.

4. Туман ҳокимлиги бошқарув апаратидан туман ҳокимлиги бош юрисконсульти (З.Атажонов) тартибга солиш таъсирини баҳолашга масъул этиб белгилансин.

5. Туман ҳокимининг биринчи ўринбосари (С.Қурбонов), туман ҳокимлиги ташкилий-назорат гуруҳи раҳбари (Ш.Шарипов), туман ҳокимлиги ўн кун муддатда аппарат тузилмасида белгиланган штат бирликлари доирасида тартибга солиш таъсирини баҳолашга масъул ходимларни белгилашини таъминласин.


6. Туман ҳокимининг 3-иловага мувофиқ қарорлари ўз кучини йўқотган деб ҳисоблансин.

7. Туман ҳокимининг 4-иловага мувофиқ қарорларига ўзгартириш ва қўшимчалар киритилсин.

8. Туман ташкилотлари раҳбарлари ўзлари қабул қилган ҳужжатларини ушбу қарорга мувофиқлаштирсин.

9. Мазкур қарорнинг ижросини назорат қилиш туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари – туман иқтисодий тараққиёт ва камбағалликни қисқартириш бўлими бошлиғи С.Қурбонов зиммасига юклансин.

Боғот тумани ҳокими



О.Холбоев